

EW NAMOPUNG

A ekkesiwini ewe Annukun Uttut forun fan 1978, ren an epwe forata kinikinin uttut me tupun Chuuk non ewe Congressin Micronesia, me pwan ren ekkoch popun.

Epwe Pung me ren ewe Legislature-un Muun Chuuk pwe:

Tetten 1. Ekkesiwin. Ewe Annukun Uttut non Chuuk forun 1978, me Itenap 21 me non ewe Pukenapen Annukun Chuuk, iei a ekkesiwin ren an epwe pwan kapacheta ew minefon Sopun, epwe iei usun ititin:

"Sopun 2. Kinikinin Uttut Ren Congressin Micronesia.

Tetten

1. Kinikinin Uttut
2. Inetsefanin Monun Congress


Tetten 1. Kinikinin Uttut. Ren fan asengesengesin tup non ewe Congressin Federated States of Micronesia, ekkei kinikinin uttut iei a forata:


- (1) Aewin Kinikin epwe ekkewe fonuwen non Mochunok, iter: Ettal; Kuttu; Losap; Lukunor; Moch; Namoluk; Oneop; Pis-Losap; Satavan; Ta; me Nama.
- (2) Aruwen Kinikin epwe ekkewe fonu iter: Fono; Moen; me Pis-Moen.
- (3) Aunungatin Kinikin epwe ekkewe fonuwen Eorun Namoneas iter: Dublon; Ettten; Fefan; Parem; Tsis; me Uman.
- (4) Aruwanun Kinikin epwe ewe kinikinin Faichuk ren ekkewe fonu iter: Fot; Falapanges; Patta; Polle; Romalum; Tol; Udot; me Wonei; pwan
- (5) Eniruwen Kinikin epwe ekkewe kinikin iter Pafong, Namunwito me Pattiw, ren ekkewe fonu iter: Fananu; Maaur; Murilo; Nomwin; Onary; Ono; Pesarach; Pulap; Pulusuk; Puluwat; Ruo; Tamatam; me Ulul.

Tetten 2. Inetsefanin. Epwe fan ew itelten murin engon ier, Legislature epwe einetsefani ukukun tupwen ew me ew kinikin non


ewe Congressin Federated States of Micronesia, epwe anongonong won nonnopokun iteiten aramasen ew neni me pwan foos, eoruni, me sak-kofesenin neni me neni."

Tetten 2. Poputan Pochokunan. Ei Namopung epwe poputa pochokunan fansoun an kapunguno me ren ewe Kepina, ika an pwisin winiti annuk, inamwo ika esemwo pwan kapunguno.

Sain seni: 
Tadashi C. Wainit, Speaker
Legislature of the Truk District

Annetata: 
Datasi Albert
Legislative Clerk/Secretary
Legislature of the Truk District

Pwinin maram: December 15, 1978

A kapunguno seni: 
Erhart Aten, Kepina
Truk District Government

Pwinin maram: 1/9/79